

سنه لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسنه اجرتی اوله رق
اون بش غروش ضم اولنور

نسخه سی ۴۰ پاره در

فکر دیک محاکمه علییه

آبونه اولقی استینلردائرة عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور . محتویاتی امور عدلیه به متعلقدر

توجیهات

در سعادت بدایت محکمه سی مدعی عمومیلکی
در سعادت استیناف محکمه سی اعضاسندن سعادتلو صدر-
الدین بک افندی حضر تارینه

در سعادت استیناف محکمه سی اعضائی اسکدار
بدایت محکمه سی مدعی عمومیس عزتو احسان بکه
اسکدار بدایت محکمه سی مدعی عمومیلکی
در سعادت ایکنجی محکمه تجارت اعضاسندن عزتو
صادق بکه

در سعادت ایکنجی محکمه تجارت اعضائی اسکدار
بدایت محکمه سی اعضاسندن عزتو سانج بکه
اسکدار بدایت محکمه سی اعضائی محکمه تمیز
باش مدعی عمومیلکی معاونلرندن عزتو علی رضا بکه
محکمه تمیز باش مدعی عمومیلکی معاونلکی
در سعادت بدایت محکمه سی ایکنجی حقوق دائره سی
باش کاتبی رفعتو جودت افندی به تفویض بیورلش
ومشار ومومی الیهم ذاتاً مخالف بولنمشدر .

تبلیغات

عدلیه نظارت مجیدیه عدلیه منشیله محاکم
استینافیه مدعی عمومیلرینه نظیر قلناه نمبرات همومیه
موردیدر :

اموال غیر منقولیه موضوع حجز احتیاطینک
حین تصدیقده محاکم عائد سنج اول امرده قیود خاقانی به
مراجعت صورتیه و یا خود سندات رسمیه سنک
مطالع سیه محجوزک کیفیت تصرفی حقنده تدقیقات
لازمه اجرایی اصولاً مقتضی اولدینی کی دوائر
اجرائیه دن حجز آلتنه آلمان غیر منقولات ایچونده
معاملات اجراییه یی ایلروده عقیم براقه حق احوال
ظهور وحدوثه میدان ویرلامک اوزره قبل المزایده
بو یوله معلومات مکمله استحصالی ایله مزایده نک
بر اساس صحیحه استنادی لابد اولوب حق تصرف
و تملکی اثبات امرنده ویرکو اداره سی قیدینک قانوناً

مدار احتجاج اوله میه جنی درکار بولنسی حالده
بعض محاکمه شو لازمه قانونیه به رعایت ایدلما مکده
اولدینی جریان ایدن معاملاتدن اکلا شلمش و بناء علیه
بعد ازین تصدیق حجزی متضمن ویریه جک مقرراتک
مأمورین اجراییه یی موانعه تصادفله موقع مشکده
بولندیر میه جق صورتده تدقیقات لازمه به اقترا نی
وجوبی ارأه ایدن اصول ونظامه توفیقی خصوصه
دقت واعتنا اولنسنک تعمیماً اشعاری بالحواله انجمن
عدلیه دن افاده ایدیلهرک مأموریتلری داخلنده بولنان
محاکمه لاجل التبلیغ اشبو تحریرانک نسخ مطبوعه
کافیه سی لفاً ارسال قلمش اولمغله اکا کوره ایضای
معامله اولنسی سیاقده شقه ترقیم قلندی .

محاکمه مقررالت

محکمه تمیز استدعا دائره سندن تنظیم واعطا
قلنان اعلامدر :

چوروم سنجانی بدایت محکمه سی جزا دائره سندن
استینافاً لاحق اولوب ۲۲ اغستوس سنه ۳۲۱ تاریخده
تفهیم ایدیلان صلاحیت قرارینی حاوی اعلامک
تمیزی مستدعی محکمه مذکوره مدعی عمومی
معاونلکی طرفندن ویریلان ۲۲ اغستوس سنه ۳۲۱
تاریخی استدعایه و اوراق متفرعه سی باش مدعی
عمومیلک مأموریت بهیه سنک ۱۱ مارت سنه ۳۲۲
تاریخی تبلیغامه سیله محکمه تمیز استدعا دائره سنه
تودیع اولمغله لدی التدقیق مذکور استدعایه نک
مدت قانونیه به موافق اولدینی اکلا شلدیغندن اوراق
مرقومه دائره جه قرائت ومطالع اولندی .

اعلام مذکورک مالی بال اوغلی عثمانک برادری
خلیلی خطاء جرح ایدرک وفاتنه سببیت ویرمک
ماده سندن طولای مظلون علیه اولان حسن چاوشک
مخدومی عمر ایله متوفای مرقومی بلا شهادت نامه تدای
واجرای طبابت ایتک جریمه مظلون علیه اولان
مرقوم حسن چاوشک برائتارینه دائر بدایت ویریلان

قرارک مدعی شخصی طرفندن استیناف ایدلسی
اوزرینه جریان ایدن محاکمه استینافیه فعل مذکور
مجازات ترهیبیه یی استلزام ایدر جرائم نوعندن بولندیغندن
اوراقک مستطقلکه تودیعنه قرار ویرلدیکنندن
ومذکور استدعایه به مربوط لایحه ده مندرج
اعتراضاتک خلاصه سی دخی محاکم استینافیه نک مظلونلرک
علینده تشدید مجازات ایچون تحقیقات ومحاکمات
استینافیه اجرایی علی الاصول مدعی عمومیلکدن
استیناف دعوی وقوعنه وابسته اولوب اوراق میانده
بویله بر استیناف استدعای غیر موجود اولمغله
مردود ایکن خلاف اصول وقانون وقاعده بیطرفی
احکامنه مغایر حتی بو قیل ادعای شخصیلرک
ردینه دائر بالدفعات استیناف محکمه سنجه اتخاذ اولنمش
مقرراته مخالف اوله رق مستأنفک ادعای شخصیسنی
ادعای مجازات نقطه سندن قبول ایله بدایت برائت
ایدن بر شخصک دوچار مجازات اولسی ایچون اتخاذ
معامله به مدعی عمومیلکدن سبق دعوی واقع
اولقسزین خود بخود محکمه استینافیه نک کافی
عد ایتسی احکام قانونیه وقواعد موضوعه اصلیه نک
کلیاً اخلاقی مستلزم اولدیغندن وسائر دن بحثله اعلام
مذکورک نقضی طلبندن وتبلیغامه نک مفادی دخی
حکم ابتدائی مدعی شخصی طرفندن استیناف ایدلمش
اولسنه نظراً استینافاً واقع اوله جق تدقیقاتک حقوق
شخصیه نقطه سنه حصری مقتضی ایکن بروجه محرر
استیناف ایدلماش اولان حقوق عمومیه نقطه سندن
اعلام ابتدائینک تدقیقیله اوراقک مستطقلکه اعاده سنه
قرار ویرلمسی مخالف قانون کورلدیکنه مبنی اعلام
مذکورک نقضی لازم کله جکی بیاندندن عبارتدر .
ایجابی لدی المذاکره اوراق موجوده مندرجاتندن
منههم اولدینی اوزره حکم ابتدائی مدعی شخصی
طرفندن استیناف ایدیلوب حقوق عمومیه مأموری
طرفندن استیناف ایدلماش اولسنه وشو حالده تدقیقات
استینافیه نک یا لکزر حقوق شخصیه نقطه سنه حصری
اقتضا ایدر ایکن بوجهتدن ذهول ایله حقوق عمومیه
نقطه سندن تدقیقات استینافیه اجراییله فعل مذکور

مجازات تهریه بی استلزام ایدر جرائم نوعندن اولدیغندن بجه اوراق دعوانك مستطقلكه تودیغه قرار ویرلمی یولسز و مغایر قانون اولدیغندن اصول محاکات جزایه قانونك اوچیوز اون دردنجی و اوچیوز اون طقوزنجی ماده لری احكامنه توفیقاً اعلام استینافی مذکوركذکراواتنان اسبابدن طولای تقضه و بروجه مشروح ایفای معامله اولفق اوزره اوراق مرقومه نك محله اعاده سنه ۲۲ مارت سنه ۳۲۲ تاریخده متفقاً قرار ویرلدى .

محكمة تمیز حقوق دائره سندن تنظیم واعطا قتلان اعلامدر :

سرفیچه سنجافه تابع جمعه قضاسنك حسین اوبه قریه سنده ساكن حسین چاوش ایله قریه مذکورده مقیمه حسیمه خاؤون بپتنده متكون دعوايه دائر قضاء مذکور بدایت محكمه سندن ۱۵ مارت سنه ۳۱۹ تاریخی وایکی عددی ایله ویریلان اعلام مرقوم حسین چاوش طرفسندن تمیز اولغله اعلام مذکور طرفنك اعتراض وجواب لایحه لریه بالمطالعه تدقیقات تمیزیه اجراسنه ابتدار قلندی .

اعلام مذکورك خلاصه مالى مزبور حسیمه خاؤونك كندوسيله برادرلری ابراهیم ومحمد علی وحسین چاوش پدرلرندن منتقل اولوب ورئهن ابراهیمك وفاتیه والده سنه مزبورده نك دخی وقوع وفاتیه انتقال ایدن و بین الورثه تقسیمی اجرا قتلان الی بش قطعه ده یوز قرق سكرز دوم اراضیدن حصه سنه

اصابت ایدن التمش یدى دوم ترلا ایله درت دوم چایر وبردوم باغی برادری مرقوم حسین چاوش فضولی ضبط وزارت ایدرك مداخله ایتكده اولدیغندن مداخله واقعه سنك منفی طلب ودعوی ایتسنه قارشو مدعی علیه حسین چاوش دخی پدرلرندن منتقل اراضی میانه لرنده تقریق وقسم ایدلدكدن صكره همشیره سی مزبور حسیمه خاؤون حصه مصیبه سی طقسان یدى لیرابه كندوسنه فراغ ایتدیكنی ومعامله فراغیه نك هنوز اجرا اولمیدیغنی مدافعه درمیان ایتسی اوزرینه اولبالده اجرا قتلان محاکمه وتدقیقات نتیجه سنده منازع فیه اراضینك پدرلرندن كندولرینه معامله انتقالیه سی اجرا قلمدیغندن اول امرده مذکور اراضینك بالتفریق انتقال معامله سنك اجراسنه ومدعی علیه بدل فراغندن طولای همشیره سی علیه اقامه دعوا ده مختار اولسنه حكمدن ومستدعی تمیز حسین چاوشك اشبو حكم علیه نه لایحه سنده محر باشلوجه اعتراضی منازع فیه اراضینك حدود اربعه سنك

تعین وتصريح اولنامسی ومدايه اراضی بی اون سنه بی متجاوز مدندن پرو زراعت ایتكده اولوب اراضی قانونامه هایونك یتش سكرنجی ماده سی موجبجه حق قراری ثابت اولدیغنی حالده بوجه نك دخی نظر دقه آنامسی ومنز بوردك حصه مصیبه سی اشترا ایلدیكى سند رسمی ایله مثبت ایكن بوراسنك دخی تأمل اولنامسی یولسز ومخالف قانون اولدیغندن بجه اعلام مذکورك تقضی استدعاسندن ومدعی علیه نك نتیجه جوابی دخی اعتراضات مذکورده نك غیر وارد اولدیغنی بیانیله ردی وموافق اصول وقانون اولان اعلامك تصدیق طلندن عبارتدر .

ایجابی مذاکره اولندقه اعلام مذکور مألندن اكلاشدیغنی اوزره منازع فیه اراضینك اراضی قانونه توفیقاً محكمه جه تقسیم وطرفینك حصه مصیبه لری كندولرینه تسلیم ایدلدكدن صكره اول صورتله قیدلرینك تصحیججه حكم اولفق لازم كلور ایكن بالكنز تقسیمیه حكم اولغنی یولسز ومغایر قانون اولدیغندن اصول محاکمه حقوقیه قانونك اکیوز قرق برنجی ماده سی موجبجه اعلام مذکورك تقضه وقانون مزبورك اکیوز قرق دردنجی ماده سنك فقره اولاسی حكمنه توفیقاً کیفتك بالرقیه اعلامه ربطی ضمتنده محكمه مذکورده اعاده سنه ومستدعی تمیز حسین چاوشدن اخذ اولنان یوز قرق طقوز غروش ایله بوركه مدعی علیه حسیمه خاؤون نامنه ایفا قتلان اکیوز التمش الی بیجی غروشكه درتوز اون بش بیجی غروش مصارف تمیزیه نك ایلروده حقسز چیقه جق طرفه عائد اولسنه ۲۶ تشرین ثانی سنه ۳۱۹ تاریخده متفقاً قرار ویرلدى .

عربكرلی علی حسینك صاغ قولنی جرح ودرت یارمغنی قطع ایلدیكى ادعا اولمئسندن دولای جنایتله اتهام اولنان محمد علی اوغلی حسینك اوچ سنه مدته كوركه قولسنه دائر معموره العزیز ولایتی استیناف محكمه سی جزا دائره سندن اعطا قتلان ۳۲ نومرولی اعلام

امین بن عبد الوهابك کیفیت قتلندن دولای جنایتله اتهام اولنان محی الدین بن بكرك اون بش ورفیق عبدونك اوچ سنه مدته كوركه قوللرینه دائر حلب ولایتی استیناف محكمه سی جزا دائره سندن اعطا قتلان ۲۴ مارت سنه ۳۲۱ تاریخی اعلام قره بت ولد ماردیروك اوكنه چیقه قرق اشیاسنی غضب ایتدیكى ادعا اولمئسندن دولای جنایتله اتهام اولنان احمد بن حاجی محمدك اوچ سنه مدته كوركه قولسنه دائر حلب ولایتی استیناف محكمه سی جزا دائره سندن اعطا قتلان ۱۹۰ نومرولی اعلام

یحی بن الاحضرك یولنی كسهرك معامله جبر وشدت اجراسیله اشیاسنی غضب ایلدیكى ادعا اولمئسندن دولای جنایتله اتهام اولنان فلاح احمد بن عمر سالم الحاررینك اوچ سنه مدته كوركه قولسنه دائر طرابلس غرب ولایتی استیناف محكمه سی جزا دائره سندن اعطا قتلان ۶۲ نومرولی اعلام بابا اوغلی ابراهیمك اتناى راهده اوكنه چیقه قرق معامله جبر وشدت اجراسیله تقودنی اخذ ایلدیكى ادعا اولمئسندن دولای جنایتله اتهام اولنان محمود بن سلیمانك اوچ سنه مدته كوركه قولسنه دائر سیواس ولایتی استیناف محكمه سی جزا دائره سندن ویریلان ۳۹۱ نومرولی اعلام محكمه تمیز جزا دائره سنجه تصدیق قلمشدر .

درساعات جنایت محكمه سندن تنظیم واعطا قتلان اعلامدر :

اوچیوز یكرمی ایکی سنه سی كانون اولنك اون یدنجی بازار کیجه سی ساعت ایکی بیجی قرارلرنده فاتحه ماطه چارشوسنده محمدیكى جرح و قتل ایلدیكى ادعاسیله مظنون علیه اولان فاتحه اولتقجی یقوشنده شیخ رسمی محمود افندی محله سنده اقامته فاتحه قره مان کیر جاده سنده بوسه لی حاجی یونس افندیك خاندن محمد اوسته نك یاندن قوندیرجیلیق ایتدیكنی سولیان آستانه لی اون طقوز یاشنده فائق بن اسماعیلك جنایتله اتهامه دائر هیئت اتهامیه دن اعطا قتلان مضطه ایله استیناف مدعی عمومیلكنك ۲۸ شاپ سنه ۳۲۲ تاریخی اتهامامه سی اوراق مفرعه سیله معاً محكمه جنایت تودیع قلمغه بالمطالعه تفصیلاتی اولبالده طوتیلان ضبطنامهن مستبان اوله جی اوزره اصول محاکات جزایه قانونك باب ثانیسنك فصل رابعنده محرر اولان معاملات ابتدائی وجاهیه بعد الایضا متهم فائك اجرای محاکمه سی ضمتنده نیسانك اوننجی صالی كونی بالتعین یوم مذکورده متهم توفیقخانه دن كئوردیه رك وکیل آرین زلیجیان افندی ومدعی عمومی معاونلرندن عزتلو بهجت بك ومدعی شخصی مقتولك پدری شوكت افندی حاضر اولدقاری حالده محاکمه علیه به مباشرت وجانب ریاستدن متهمك هویتی بالتدقیق استجواب ضبطنامه سنده محرر اولدیغنی وجهه تعین ایتدكدن ومتهم ایله وکیلنه خطرات قانونیه ایفا قلندقدن صكره هیئت اتهامیه مضطه سیله اتهامامه ضبط كاتی سلیمان افندی طرفندن قرائت اولندی .

مذکور مضطه ده مظنون علیه فائك محمد بکی بالتصور جرح و قتل ایتش اولمئسندن طولای اتهامه

اوراق تحقیقه ده محرر دلائل وامارات کافی كورلمش وحرکتی قانون جزانك یوز یتشنجی ماده سی حکمنی مستلزم افعال جنایتدن بولنش اولدیغندن جنایتله اتهامه قرار ویرلدیكى محرر واتهامنامه ده دخی مرقومك مضطه مذکورده مندرجاتی وجهله متهم بولندیغنی مسطردر .

اتهامنامه نك خلاصه سی جانب ریاستدن متهمه تفهیم وتوضیح ومعاون مومی الیه جانبدن دخی دعوانك تشریح اولغنی معقب متهم سولتدیرلده وقعه کیجه سی یانسو اذاندن صكره قره كركده قهوه جی محمد افندیك قهوه خانه سندن قالدقرق خانه سنه کیتمكده ایكن یكى چشمه جاده سنده مقتول محمد بك ایله طانیدیغنی ایکی شخص اوكنه جیقوب كندوسنی طوقاته ضرب ایتدككری كی مومی الیه محمد بكك صالدرمه سی چكرك یاشنه اوره جی صره ده الی قارشو طوتسیله صول الی مجروح اولدیغنی واللرندن قورتیلوب قاقچه باشلادیغنده محمد بك ایله دیگر ایکی شخصك كندوسنی تعقیب ایتدككردن اسکی علی پاشا قره غولخانه سنه قاجدیغنی بیان وواقع اولان استیضاچه قارشو ایکی سنه دنبرو طانیدیغنی مقتول محمد بك ایله همشیره سندن طولای بیلرنده منازعه ظهور ایتدیكنی اتیان ایلدی .

اوراق میاننده بولان ۱۷ كانون اول سنه ۳۲۲ تاریخی ضبط ورقه سی ایله مقتول ومتهمك معاینه لرینی حاوی طبیب راپوری اوقوتدیرلده بولنلرندن ضبط ورقه سنك کیجه ساعت اوچ راده لرنده ایكنجی دائره بدلیه محاسبه قلمی كئبه سندن محمد بكك مجروحاً ومقتولاً قهوه جی ضیانك قهوه خانه سی اوكنده یاقده اولدیغنی خبر ویرلكنه مقتولك خانه سنه كیدلدكده خانه نك برنجی قاتنه واقع اوطه ده رتخته اوزرینه یاتلمش اولدیغنی مشاهده ایدمش واجراقاتان تحقیقاتده مقتولك تركیجی فائق طرفندن اوچی سیوری کیرجه برآت ایله جرح و قتل ایلدیكى اكلاشلمش اولدیغنی وآلت قتل اولان سیاه صابلی اوچ اولوقل فاقفون قینلی کیر صالدرمه نك الده ایلدیكنی مین بولندیغنی وراپوركده مقتول محمد بكك اوچی سیوری بریوزی كسکین کیرجه برآت قاطعه ایله حاصل وجهنك صول طرف عظم وجینی اوزرندن بدأ ایله زاویه فك اسفل ایسر حذاسنه تمتد اون ساتیمترو طولنده عمقی عظمه قدر وعظم وجنی قسماً مكسور برعدد جرحه کیره وصدرینك صاغ طرف اوچنجی ودرنجی مسافه بین الضلمیه سنده عظم قصه قریب مجلده اوچ ساتیمترو طولنده عمقی جوف صدره نافذ دیگر جرحه وصول اوموزی طرف خلفیسنه اوچ

ساتیمترو طولنده بر عدد وجرحه مذکورده آلتنده صول كففك جهت اعلاسنده بریجی ساتیمترو طولنده دیگر بر عدد جرحه وصول بازوسی طرف وحشیسنده اوچ ساتیمترو طولنده بر عدد طرف خلفیسنده بریجی ساتیمترو طولنده دیگر بر عدد جرحه وعضد مذکورده طرف خلفیسنده درت ساتیمترو طولنده عمقی عضله قدر بر عدد جرحه وجرحه مذکورده آلتنده یکدیگرینه قریب ایکیشر ساتیمترو طوللرنده عمقلری عضله قدر دیگر ایکی عدد جرحه ودرت میلیمترو طولنده سطحی وصغیر بر عدد جرحه وصاغ الك اهام وسبابه بارمقلری آرمسند برنجی مفصل مشطیلری وجه ظهریسند اوچ ساتیمترو طولنده سطحی بر عدد جرحه وصول الك متوسط بارمغلك ایكنجی مفصل مشطیلی وجه راحیسنك طرف وحشیسنده ایکیشر ساتیمترو طوللرند عمقلری عظمه قدر دیگر عددكه جمعا بیوك وكوچك اون اوچ عدد جرحه كورلمش ومذکور جرحه لرندن صدرینك صاغ طرف اوچنجی ودرنجی مسافه بین الضلمیه حذاسنده کی جرحه سنك جوف صدره نافذ اولمئسندن رئه ایسرك قص علویسیله شریان رئونك جرح اوله رق حصوله كلان سیلان دم داخلی وخارجیدن متأثراً وفات ایلدیكنی ومتهم فائكك صاغ الی اهام بارمغی برنجی سلامیسند وصول الی سبابه ووسطی پارمقزلرند صیرریق كورلیدیكنی مشعر ایدوكی اكلاشلدى .

متهم فائق قرائت ایتدیریلان اوراق مندرجاته قارشو دیه جکی اولمیدیغنی سویلدى .

(مابعدی كلهجك نسخه یه)

اسماعیلك البسه سی چاك ایدن احمد جاللدن اون بشلك جزای نقدی اخذینه احمدك جاملرینی قیردیغنی تبین ایدن اسماعیلدن اون بش بشلك جزای نقدی اخذینه سلاح طاشیدینی اكلاشیلان مراطدن بش بشلك جزای نقدی اخذینه بك اوغلی بدایت محكمه سی جزا دائره سنجه قرار ویرلشدر .

مخبران انتباهیه

استروجه قضای بدایت محكمه سی مستنطقی علی مهدی افندیك مواد متعدد قانونیه ده وظیفه مأموریتنی سوء استعمال ایلدیكى سلانك ولایتی عدلیه مفتشلككندن وارد اولان اوراق تحقیقه محتویاتندن اكلاشلمسنه مبنی مومی الهك بالعزل

محاکمه آلتنه آلتسنه عدلیه نظارت جلیله سندن مأذونیت ویرلدهر محله تبلیغات مقتضیه اجرا ایدلشدر .

اعلامات

درساعات امورمات نظامیه اجرا دائره سنده :

یوانیس دیمتریادسك لفتز ذمتده محكوم به آله جی اولان مالغك تأمین استیفا سی ایچون مدیونك پدرندن منتقل بلاطده حاجی عیسی محله سنده محكمه الی زقاغنده واقع وتخمیناً اوتوز سكرز آرشون عرصه اوزرینه مبنی وفوقنده اوطنی حاوی برنومرولی باقرجی دكانك اوچ حصه اعتباریه بر حصه سنك تاریخ اعلاندن اعتباراً اون بش كون صكره بالزاید فروخته تشبث اولنه جی درساعات اعلامات نظامیه اجرا دائره سندن اعلان اولتور .

حاجی سلیمان افندیك عایشه صدیقه خانم ذمتده کی آله جغه مقابل مرهون وفروختی محكوم بولنان كوچك مصطفى یاشاده قره باش محله سنده یكی قیو جاده سنده چشمه زقاغنده واقع تخمیناً یوز یتش آرشون عرصه اوزرینه مبنی آلت قاتده درت اوطنه واوچ صفه وبرمبطخ و یوز اوتوز آرشون باغچه و درون باغچه ده برخنزنی حاوی الی نومرولی براب خانه نك اوچ ربع حصه سی بالزاید لیرای غنائی یوز غروش حساییله بشیك غروشه طالعی عهده سنده تقرر ایدرك موقتاً قرارداده سی كشیده قلمنش اولدیغندن سالف الذكر مذکور خانه یوزده بش ضم ایله طالب اولانلرك تاریخ اعلاندن اعتباراً نهایت اوتوزبر كون ظرفنده درساعات اعلامات نظامیه اجرا دائره سنه مراجعت ایللری اعلان اولتور .

بك اوغلی بدایت محكمه سی اجرا دائره سنده :

امینه وحلیمه خاتملرك بك اوغلی بدایت محكمه سی حقوق دائره سندن لاحق اولان ایکی قطعه اعلام موجبجه بهه وكریمه سی صدرك نام دیگر فاطمه صابره خاتملر ایله مخدومی عثمان حمدی افندی ذمتلرند محكوم به مطلوبلری اولان مالغ معلومك تأمین استیفا سی ضمتنده مدیونلرك قاسم یاشاده حاجی شعبان محله سنك آقارجه زقاغنده كاش وتخمیناً سكسان ذراع معماری اوزرینه مبنی وبرمقدار آره لنی وبرقیوبی وایکی قاتدن عبارت درت اوطنه وبرصفه یی وبرمبطخی حاوی ناتمام وخراب اوتوز الی نومرولی براب خانه ایله اتصالنده كاش اوتوز درت واوتوز ایکی وبرقیوبی

مشمتمل اوتوز نومرولى اوچ قطعه عرصه لرده شاياعاً ومستقلاً متصرف اولدقلى حصه لرى حيز اولنه رق فروختى قرار آلتنه آلتش اولمسيه مذکور خانه وعرصه لرك تاريخ اعلاندن اعتباراً اون بش كون صكره بالمزايدة فروخته تشبث اولنه جغندن طالب اولوب معلومات مفصله آلى ايسيتلرك بك اوغلى بدايت محكمه سى اجرا دائره سنه مراجعت ايللرى اعلان اولنور .

اسكدار بديت محكمه سى اجرا دائره سنده

محمد عارف افندى ايله نور قر خانم ورثه لرسنك متوفى طلعتى افندى ورثه سى ذمتنده اسكدار بديت محكمه سى اعلاميه آله جقلى اولان معلوم المقدار مبالغك تأمين استيفاسى ضمتنده مرهون اولوب فروختى محكوم بولنان غلطه ده ساقز ليلرز قاغنده سورپ لوسياويچ نام ارمنى كليساسى قارشوسنده كائن معلوم الحدود ويكدىكرينه متصل شهرى درتيوز غروش ايجار كتورمكده اولان درت قات اوزرينه مبنى كار كير اون اوطه لى وايكى نومرولى وكذا شهرى اوچيوز غروش ايجار كتورمكده اولان يدى اوطه لى ودرت نومرولى وكذا شهرى اوچيوز التمش غروش ايجار كتورمكده اولان يدى اوطه لى والى نومرولى وكذا شهرى ايكىيوز يكرمى غروش ايجار كتورمكده اولان التى اوطه لى وسكنر نومرولى درت باب خانه نك يوز يكرميشر سهم اعتباريله التمش يدشربحق سهمك تاريخ اعلاندن اعتباراً اون بش كون صكره بالمزايدة فروخته تشبث اولنه جغنى اسكدار بديت محكمه سى اجرا دائره سندن اعلان اولنور .

مدلر بديت محكمه سى اجرا دائره سنده :

افالونه قريه سندن طودورى جانوبريقونك افالونه قريه سندن يانى علكساندرى ذمتنده با اعلام محكوم به آله جغى بولنان مبالغدن طولاني آيا مارينه موقعنده اون درت نومرولى زيتونلكى اجرا قلنان مزايده سنده بيك ايكىيوز غروشه طالبي عهده سنده تقرر ايدر ك موقت قراردادده سى كشيده قلنمش اولمغله تاريخ اعلاندن اعتباراً اوتوز بر كون ظرفنده يوزده بش ضم ايله طالب اولانلرك مدلولو سنجاغى بدايت محكمه سى اجرا دائره سنه مراجعت ايللرى اعلان اولنور .

موريه لى استراتى ديلي اوغلانك موريه لى مارينو بنت مالى قورون ذمتنده آله جغندن طولاني افالونه قريه سنك قارينر موقعنده التمش اوچ نومرولى زيتونلكى محجوز اولوب تاريخ اعلان اعتباراً اون بش كون صكره مذكور زيتونلكك مزايده سنه تشبث

اولنه جغندن طالب اولانلرك مدلولو سنجاغى بدايت محكمه سى اجرا دائره سنه مراجعت ايللرى اعلان اولنور .

مدلولوده اوطون وارستى شركت تجاريه سى مديرى اوطون يونونك مستغالى قسطنطى پنايوط ذمتنده آله جغندن طولاني محجوز موصلى اوغلى موقعنده اوچ نومرولى ترلا واوچنجى ققاده موقعنده اوچ نومرولى زيتونلك وبراقتشنا موقعنده اون نومرولى ترلا واسقاريه موقعنده درت نومرولى ترلا وكستانه موقعنده بر وايكى نومرولى زيتونلك وايكنجى ققاده موقعنده ايكي نومرولى زيتونلكده كي حصه شايه سنك تاريخ اعلاندن اعتباراً اون بش كون صكره مزايده سنه تشبث اولنه جغندن طالب اولانلرك مدلولو سنجاغى بدايت محكمه سى اجرا دائره سنه مراجعت ايللرى اعلان اولنور .

مدلولوده تجاردين بنلى برادرلرينك موريه لى طوغرامه جى آپوستول اكرثول ذمتنده با اعلام محكوم به آله جغندن طولاني محجوزاً مزايده سى اجرا قلنان موريه قريه سنك پاره ديس موقعنده اون سكرز نومرولى ترلا سى اوچيوز التى غروشه طالبي عهده سنده تقرر ايدر ك موقت قراردادده سى كشيده قلنمش اولمغله تاريخ اعلاندن اعتباراً اوتوز بر كون ظرفنده يوزده ضم ايله طالبلرينك مدلولو سنجاغى بدايت محكمه سى اجرا دائره سنه مراجعت ايللرى اعلان اولنور .

مستغنا قريه سندن يوركى ميخال بابانه نك مستغالى التى پنايوط غرمان ذمتنده با اعلام محكوم به آله جغندن طولاني محجوز مستغناك ايكنجى طرامله موقعنده يكرمى نومرولى زيتونلكيه قريه جوارنده كائن اوتوز بش نومرولى زيتونلكده حصه شايه سنك تاريخ اعلاندن اعتباراً اون بش كون صكره مزايده سنه تشبث اولنه جغندن طالبلرينك مدلولو سنجاغى بدايت محكمه سى اجرا دائره سنه مراجعت ايللرى اعلان اولنور .

مدلولوده مقيمه خريساتى بنت ميخالاكى قره اوغلانك پافله قريه سندن يانى كه جى ورثه سندن پنايوط ديپلنوب اسقامبا ذمتنده با اعلام محكوم به آله جغى بولنان مبالغدن طولاني متوفى يانى كه جينك عهده سنده بولنان پافله قريه سنده ايكنجى آيا آپوستول موقعنده التى ايكي نومرولى نصف زيتونلكى محجوزاً اجرا قلنان مزايده سنده سكرز بيك بشيوز غروشه طالبي عهده تقرر ايدر ك موقت قراردادده سى كشيده قلنمش اولمغله تاريخ اعلاندن اعتباراً اوتوز بر كون ظرفنده يوزده بش ضم ايله طالبلرينك مدلولو سنجاغى

بدايت محكمه سى اجرا دائره سنه مراجعت ايللرى اعلان اولنور .

مدلولوده مقيم دعوى وكيللرندن پانده لاكى ولاحوپلونك افالونه قريه سندن ملتيايدى ولد قوندى قوطرولى حقنده مدلولو تجارت محكمه سندن ويريلوب ١٧ شباط سنه ٣٢٢ تاريخ و ٥٥٢ نومرولى جريدة محاكم عدليه ايله اعلاناً تبليغ قلنان ٥ تشرين اول سنه ٣٢٢ تاريخ و ٧٣ نومرولى اعلام غيايى موجبجه تاريخ اعلاندن اعتباراً طقسان بركون ظرفنده مديون مرقوم ملتيايدى ولد قوندى قوطرولك اجرا دائره سنه مراجعتله تسويه دين ايلسى وقانوناً قبوله شايان برديه جكى اولدينى تقديرده مدت مذكوره ظرفنده تحريراً بيان ايلسى وخلافى حالده حكم اعلامك اجرا ومعامله قانونيه نك ايفاسى خصوصه دائر تنظيم اولنان اشبو اخبارنامه مديون مرقومك الآن محل اقامتى مجهول اولمق ملابسه سيله اصول محاكمه حقوقيه نك يوز يكرمى التنجى واجرا قانوننك يكرمى طقوزنجى ماده لرينه توفيقاً كندوسنه تبليغ ايدلمش عد اولنمق اوزره مدلولو سنجاغى بدايت محكمه سى اجرا دائره سى ديوانخانه سنه تعليق اولندينى كجى غزته ايله ده اعلاننه مبادرت قلندى .

مدلولوده مقيم قهوه جى اطناش يناره لك صارليجه لى آندون صيحيان اوغلى جوانو نام ديكرى صولون ولد يانى پتره يانو حقنده مدلولو بدايت محكمه سى حقوق دائره سندن ويريلوب ٣ شباط سنه ٣٢٢ تاريخ و ٥٤٨ نومرولى جريدة محاكم عدليه ايله اعلاناً تبليغ قلنان ١٤ تشرين ثانى سنه ٣٢٢ تاريخ و ٣١ نومرولى اعلام غيايى موجبجه تاريخ اعلاندن اعتباراً طقسان بركون ظرفنده مديون مرقوم صولون ولد يانى اجرا دائره سنه مراجعتله تسويه دين ايلسى وقانوناً قبوله شايان برديه جكى اولدينى تقديرده مدت مذكوره ظرفنده تحريراً بيان ايلسى وخلافى حالده حكم اعلامك اجرا ومعامله قانونيه نك ايفاسى خصوصه دائر تنظيم اولنان اخبارنامه مديون مرقومك الآن محل اقامتى مجهول اولمق ملابسه سيله اصول محاكمه حقوقيه نك يوز يكرمى التنجى واجرا قانوننك يكرمى طقوزنجى ماده لرينه توفيقاً كندوسنه تبليغ ايدلمش عد اولنمق اوزره مدلولو سنجاغى بدايت محكمه سى اجرا دائره سى ديوانخانه سنه تعليق اولندينى كجى غزته ايله ده اعلاننه مبادرت قلندى .